

municipi eius municipii | qui volet, cuique per h. l. lice[*b*]it, actio petitio | persecutio esto. |

R. De locationibus legibusque locatio[n]um proponendis et in tabulas mu[n]icipi referendis. |

LXIII. Qui Ilvir i. d. p.³², vectigalia ultroque tributa, | sive quid aliut communi nomine municipum eiuis municipi locari oportebit, lo[cato]. Quasque locationes fecerit quasque | leges dixerit, quanti quit locatum sit et³³ praedes accepti sint quaeque praedia subdita | subsignata obligatave sint quique praediorum cognitores accepti sint, in tabu[las] communes municipum eius (*sic*) municipi | referantur facito et proposita habeto per | omne reliquom tempus honoris sui, ita ut | d. p. r. l. p.³, quo loco decuriones conscripti/ve proponenda esse censuerint. |

R. De obligatione praedium praediorum | cognitorumque. |

LXIV. Quicumque in municipio Flavio Malacitano | in commune municipum eiuis municipi | praedes facti sunt erunt, quaeque praedia | accepta sunt erunt, quique eorum praediorum cognitores facti sunt erunt: ii omnes et quae cuiusque eorum tum³⁴ erunt, cum | praees (*sic*) cognitorve factus est erit, quaeque pos[te]a esse, cum ii obligati esse coeperint ce[per]int³⁵, qui eorum soluti liberatique non sunt | non erunt aut non sine d. m. sunt erunt, ea[que] omnia, quaeque³⁶ eorum soluta liberata[que] non sunt non erunt aut non sine | d. m. sunt erunt, in commune municipum | eiuis municipii item obligati obli[gata]eque (*sic*) sunto, uti ii eaeve (*sic*) p. R.³⁷ obligati obli[gata]eque essent, si aput eos, qui Romae aera[rio] praesent, ii praedes i[t]que³⁸ cognitor[es] facti eaque praedia subdita subsignata obligatave essent. Eosque praedes eaque | praedia eosque cognitores, si quit eorum, in | quae cognitores facti erunt, ita non erit, | qui quaeve soluti liberati soluta libera[ta]que non sunt non erunt aut non sine | d. m. sunt erunt, Ilviris, qui ibi i. d. prae[r]unt, ambobus alteriusve³⁹ eorum ex decurionum conscriptorumque decreto, quod decretum cum eorum partes tertiae | non minus quam duae adessent factum | erit, vendere legemque his vendundis dicere | ius potestasque esto; dum ea (*sic*)⁴⁰ legem is re[bus] vendundis dicant, quam legem eos, | qui Romae aerario praeerunt, e lege praediatoria praedibus praedisque vendun[dis] dicere oporteret, aut, si lege praedia[toria] emptorem non inveniet, quam le[gem] in vacuom vendendis dicere oportet; et dum ita legem dicant, uti pecu[n]iam in fore⁴¹ municipi Flavi Malacitani | referatur luatur solvatur. Quaeque lex | ita dicta [e]rit⁴², iusta rataque esto. |

32) *Iure dicundo praeerit.* — 33) *Insere qui.* — 34) *Insere fuerunt (Momms.).* — 35) *Scr. cooperint.* — 36) *Dele que.* — 37) *Populo Romano.* — 38) *inque aes.* — 39) *Scr. alterive.* — 40) *Eam.* — 41) *Sic aes. Requiritur pecunia in publicum municipum vel pecunia inde redacta in commune.* — 42) *dictarit aes.*